



青山集卷第一

詞行


當塗郭

祥正字功父

姑蘇行

又送胡唐臣入幕
朱伯原秘校

登姑蘇望五湖范蠡扁舟竟何在吳王宮殿惟荒墟
使君誰何好平恕寬則脂韋猛則虎只今卧治聞黃
公更得高才歸幙府願令里巷謠召南風化流行成
樂土昔年引對大明殿國論軒軒動人主往持使節
臨朔方威霽秋霜愛春雨玉上青蠅誰強指鼻端有
聖寧傷斧升沉偶爾非吾嗟不用東方且為鼠豈聞



絕代無佳人何必西施妙
謔舞盛傾綠酒鱸肥鱸承
詔還從大梁去

泠泠浣溪水悠悠天柱雲
行水光動水洗雲影分幽
人坐卧吟孤絕迥出群資
彼雲水秀釋此塵垢紛胡
為倏言別扁舟連夜發往
登姑蘇臺而望太湖月却
尋史遷迹但見蒼煙滅覽
古竟論今治具校工拙有
才不得施著書貽後世何
必腰黃金自享千載貴鱸
魚秋正熟雲泉味尤美若
逢吳市門更訪長生理

送姚彥經謫行

春風動地吹春去行人不肯
江邊住片帆朝掛暮千

里烟霞蒼茫宿何處聞君
少年日射策明光宮同時
得意三百輩上林曾醉桃
花紅十餘年間事超忽幾
在青雲幾白屋君雖未甚
榮亦足有餘樂存心不負
聖與賢何須畫影凌烟閣
潯陽城頭古樓壯邂逅相
逢觀瀆漲魚龍奔走勢莫
分却憶當時兵火愁殺人
至今戰場無綠草冤冤夜
哭寒蟾老臨風瀝酒一弔
之而我浮生何足道聊為
君行謔數聲青山截斷江
流平晴雲相對似能舞野
鳥好語如吹笙却把閑愁
付滄海身雖離異交無改
若訪蓬萊王母家為攀琪
樹遙相待

桃源行寄張兵部

武陵溪上青春暮昔人傳有桃源路時見落花隨水流
咫尺神仙杳難遇神仙有無何可量但愛武陵山水
強松烟竹霧水村暗鳥啼猿嘯花雨香車輪不來
塵空絕日月自與乾坤長聞君取身欲長往禾熟良
田給春釀陶然一醉萬事休還我天真了無象生胡
爲榮死奚感爲笑紛紛避秦客一身千歲何足論更
向漁家寄消息

冥神交兩相許倒提金斗傾濁醪滴瀝招魂寂無語
斜陽銜山暝潮退兩兩漁舟迷向背便欲因之垂釣
竿六鼇龜一擲天門外

九華山行

群山秀色堆寒空九華一簇青芙蓉誰云九子化爲
石聚頭論道扶天公深巖自積太古雪燭龍縮爪羞
無功湍流萬丈射碧落此源直與銀河通塵埃一點
入不得煙霧五色朝陽烘有時昏昏雷電怒崩崖裂
壁揮長松龍作雨虎嘯風白日變明晦九子亦慘容
褐冠釋氏胡爲笑傲於其中我將學彼術卷舌切愧

求童蒙天公信玉女號令不爾從嗟爾九子竟何補
非泰非華非衡嵩

廬山三峽石橋行

銀河源源天上流新秋織女望牽牛洪波欲渡渡不
得比鵲爲橋誠拙謀胡不見廬山三峽水此源亦接
明河底擘崖裂嶂何其雄崩雷泄雲勢披靡飛鳥難
過虎豹愁四時白雪吹不收燭龍此地無行迹六月
遊子披貂裘誰將巨斧鑿大石突兀長橋跨蒼壁行
車走馬安如山下視龍門任淙激寄言牛女勿相疑
地下神工尤更竒喚取河邊作橋棟一年不必一佳期

谷簾水行

嶄嶄青壑仙人居水精簾掛光浮浮音中有天樂振
天響真珠琤淙碎珊瑚常娥擁月夜相照天光地瑩
倒玉壺又云玉皇醉玉液瓊簾千尺從空鋪卧來北
斗諫以起驚風吹落青山隅溶溶萬古萬古竟誰
能辨爲真虛我來吟哦不知晚山雲四暗山魑呼安
得長鯨駕天險下眎靈源知有無

鸚鵡洲行

猛虎磨牙嚙九州禰生何事來擡廠黃雲屯屯宴賓
客故衣脫去更岑牟漁陽參搗曲聲苦壯士銜悲寂無

語漢朝社稷四百年海瀉濤淙一盃土嗟哉鼓史狂
而癡天運往矣安能追四方血戰殊未已三赤梳杖
真何爲君不見武昌之國鸚鵡洲至今芳草含春愁
可行則行止則止死無所益令人羞死無所益令人
羞黃祖曹公均一丘

金山行

金山杳在滄溟中雪崖冰柱浮仙宮乾坤扶持自今
古日月髣髴躔西東我泛靈槎出塵世搜索異境窺
神工一朝登臨重太息四時想像何其雄卷簾夜閣
掛北斗大鯨駕浪吹長空舟摧岸斷豈足數往往霹

靛搥蛟龍寒蟾八月蕩瑤海秋光上下磨青銅鳥飛
不盡暮天碧漁歌忽斷蘆花風蓬萊久聞未成往壯
觀絕致遙應同潮生潮落夜還曉物與數會誰能窮
百年形影浪自苦便欲此地安微躬白雲南來入我
望又起歸興隨征鴻

潛山行

笑別姑熟州來作潛山遊潛山聞名三十載寫望可
以銷吾憂晴雲如綿掛寒木廣溪鏡靜涵明秋山頭
石齒夜璨璨疑是太古之雪吹不收信哉帝祖駐鑾
蹕異景怪變誰能求若非青崖見白鹿安得此地排

珠樓群仙長哦空洞絕綠章封事乘虛輶靈鳥盤旋
老鶴舞華燈散采祥飈浮噫吁噉漢武登壇求不得
明皇夜夢推五百寧知司命抱真符爲宋真人開社
稷詔書數下脩琳宮殿閣縹緲平諸峯六朝德澤施
愈遠九天福祐來無窮君不見潛山之下潛水之涯
菖蒲有九節白朮多紫花採之百拜獻君壽陛下盛
德如重華

山中吟

山中吟白日長碧霄泉暖菖蒲香山翁勸我採爲食
登高遂覺足力強登高望遠遠思發春風浩浩天茫茫

茫美人一別隔滄海青鳥寄與雙明璫青鳥東飛亦
不返草色綠縹雲徜徉草色幾回綠雲飛無故鄉魂
迷夢斷竟何在山中吟白日長

山中樂

尋山佳興發一夜渡江月首到廬江元放家水洞清
光數毫髮愛之便欲久棲息又聞靈仙之境敞金闕
清風吹我衣不覺過皖溪危梁千步玉虹卧松行十
里青龍歸煙霞繞脚變明晦忽見殿閣鋪瑠璃重簷
却在迥漢上倚欄俯眎白日低虛庭自作簫籟響屋
角更無飛鳥飛霓幡重重蔽真御髣髴遙見星文垂

長廊紗籠絕筆畫老龜穩載青瑤碑更逢逍遙不死
客齒清髮翠桃花肌蕭臺可到亦非遠雲間况有白
鹿騎細窺絕景輒大笑吾曹何事塵中爲安得良田
三百畝可以飽我妻與兒長年只在名山裏萬事紛
紛都不知

將歸行

男兒四十無所成可憐鬢髮霜華生長書朝奏夕命
相此事故非言不行低徊却入邵陵幕梅嶺招降建
城郭論功第一遭衆讒斷木浮沈委溝壑噫吁噉數
竒不獨李將軍株坐桐鄉三見春桐鄉雖好大兒死

風物滿眼唯悲辛迹來又赴肥上辟碌碌隨人亦何
益法網深懸無縱鱗斂翼飢禽憂彈射噫吁噉一寸
丹心不堪折扁舟却憶姑溪月溪如凝冰月如雪天
地清光迫交徹釣絲千丈入琉璃六齣龜一舉三山隨
人生快意莫如此罾束黃金多橫死君不見日暮途
窮逆行客一餉榮華速誅殛又不見都市朝衣就劔
人誰道忠言能殺身休休歸去來芝田石室雲長
在瑤草琪花春不回收帆銀濤即平陸跨青牛兮驅
白鹿莫向人間歧路行豈有悲歡與榮辱休休歸
去來計已決肯學腐儒空有言辜負春鵲口流血

東林行

龍蟠大地藏山腹瑞氣蒙籠紫金屋香爐萬丈擎碧
霄二澗斜飛落寒玉晉朝遺事唐人辭皴斮龜螭尚
堪讀樓煩真人應夢來夜斧丁丁神伐木安帝親留
步輦迎靈運開池素華馥會隨流轉不成塵燈焰明
明自相續遊人未達此理玄安得清涼滅貪欲我今
棄官脫塵網僧寶瞻依無不足跨黃牛騎白鹿時時
自唱無生曲無生曲君試聽五音六律和不得爲君
寫作東林行

圓通行簡慎禪師

廬山之西形勝聚無位真人依位在地祇掣鑠金城
開石龍噴水銀潢注峯巒約勒萬馬回杉松自作千
兵護寶殿崢嶸跨碧霄圓容麗服微西顧江南妃子
親施田香飯供僧無億數法焰相傳十二人師泛鐵
船揚子渡揚子渡秋風高霹靂駕雪翻驚濤中有漁
家妙絕手一釣三山連六鼇縱時大地悉震恐收來
塵刹無纖毫當年曾許心莫逆今朝又作圓通客掛
冠已脫塵垢緣一心願住清涼國清涼之國誰能知
日長馬倦人多迷從來聞說曹溪路只今蹋斷廬山西

韶石行

扁舟未下連虞灘韶石羅列誰雕刊化工有意露恠
變待彼虞舜來觀翫泊舟登岸始遠覽兩峰直裂諸
峯巔青鸞低徊欲下飲翠鳳却舞搏脩翰蟄龍鑿雷
怒奮角帝子出震初我冠日光撲撲散金蘂蓮花透
徹琉璃盤行衣十里仙霧濕暝色一抹輕綃寒我將
崖想韶樂北風忽變陰漫漫松搖長空吼萬壑溪
走石脚淙驚湍遺音自與天地響聽不以耳精神完
重瞳一去無復還隨風波兮陟雲間瀟湘洞庭亦何
有竹上血淚千年斑九成不作至道息紛紛後世疇
能攀登韶石兮情飄飄而未盡飭彼柴車兮且將造

乎蒼梧九疑之深山

武溪深呈廣帥蔣脩撰

洄洄武溪一何深源源不斷來從郴流到龍頭聲百
變誰將玉笛傳餘音潺潺冷冷兮可以冰人心胡爲
其氣兮能毒淫漢兵卷甲未得渡飛鳶跼跼且沉
天乎此水力可任蠻血安足腥吾鍾功名難成壯士
恥馬革裹尸亦徒尔伏波一去已千年古像蕭蕭篁
竹裏風來尚作笛韻悲宛轉悠揚逐船尾如今
天子治文明柔遠懷來不用兵武溪無淫亦無毒清
與滄浪堪濯纓臨龍更憶昌黎民始末緣何不相類

能言佛骨本無靈可惜咨嗟問瀧吏湘妃之碑尤近
恠頗學女巫專自媚固當褒馬聊黜韓補苴須令賢
者備元戎喜遇蓬瀛仙武溪探古傳新篇東君吁嘻
龍蜃走北斗挹酌河漢懸勸君莫倚隴笛之悲音些
勸君清歌兮援玉琴些琴聲爲出堯舜心堯舜愛民
無遠迹君不見薰風兮來自南些

松門阻風望廬山有懷李白

北風阻舩泊湖濱北望王廬阜青無痕晴雲自舒仍自
卷白龍欲眠猶宛轉秋空漠漠秋氣淺碧天蘸水如
刀前篙師畏浪不敢行却憶李白騎長鯨倒回玉鞭

擊鯨尾錦袍濺雪洪濤裏電光溢目精神閑終日高
歌去復還飛流直下三千尺風吹銀漢落人間天送
醇醪傾北斗群仙吹簫龍鳳吼李白一飲還一醉醉
來豈知生死累倏然却返玉皇家不騎鯨魚駕鸞車
留連自摘蟠桃花嚼花吐津染朝霞不信如今三百
載頑鯨駭浪空相待

苦寒行二首

江南饒暖衣絺綌今歲春寒人未識溪流冰合地成
拆一月三旬雪三赤去年大潦民無食子母生離空
嘆息只今道路多橫屍安忍催科更誅殛

下溪捕魚一丈冰上山採樵三赤雪人人飢餓衣裳
單骨肉相看眼流血乾坤失色雲未收鷓鴣無聲翅
將折官倉斗米餘百金願見春回二三月

武夷行寄劉侍郎

平生愛仙山最聞武夷好千峯巔岫月倒掛萬木陰
森春不老群仙浮舟出寥廓未濟明河半空泊世人
可見不可攀靜夜天風吹寶樂須信仙家日月長塵
埃下土空茫茫賢愚得失竟何益坐令綠髮摧秋霜
人間感悟有誰早丈人尋真歸故鄉故鄉宅在武夷
址山勢迴環碧城起仙碁一局一番春幾見桃花滿
流水他年功成趨帝闕醉喚常娥擁明月照開三十
六洞天王樹瑤花恣攀折丈人之樂其無央我今欲
往親在堂側身南望未能到耿耿寸心思夢長

姑熟堂歌贈朱太守

姑熟太守真賢豪洗滌弊垢明官曹民閑吏竦郡無
事華堂新構臨江臯朱簷斜飛傍星漢碧瓦不動蟠
鯨鼈釀成玉液宴賓從手提大筆降風騷四時景物
換耳目萬古治亂評秋毫嗟予末坐坐重感激曾中茅
塞時耘耨山鷄卑栖竟何取豈合鸞鳳追翔紫尊
葺蕨味正美鮮鱸玉縷鳴霜刀爲公一飲直醉倒坐

看萬室皆陶陶誰云江南地偏小姑熟之堂天下少
丹湖千里浸城東蒲葦藏煙春渺渺牛渚對峙凌歌
臺長江倒掛天門開風吹玉馬億萬疋漢兵卷甲沙
場迴有時浪止皓月滿瑠璃宇宙無纖埃帆檣隱隱
鳥飛沒漁歌細下天邊來謝玄暉李太白一生好作
江南客至今遺恨人不知孤雲尚鎖青山宅請公瀝
酒一帛之聽我長吟壯靈魄人世百年能幾何高會
難逢離別多一朝公去調鼎登斯堂永作甘棠歌

宣詔廳歌贈朱太守

史君心畫天下無構廳宣詔西南隅曉光初散射簷

椽夜氣欲合吞江湖壁甃麻手滑瑤玉重窻窈窕明
青朱胡生畫手出前輩素壁爲寫巫山圖一條江練
澄碧落十二峯色我珊瑚玄猿老虎嘯鬚長松瘦
石寒扶踈中間皓鶴最恬漠九霄獨立形神孤君去
班春勸耕稼君歸命客同歡娛三夕垂簾醉春瓮六
月靜坐臨冰壺巴牋血色酒醉筆五字七字排璣珠
和風匝地怨氣滅險吏縮手窮氓蘇地隨人盛古今
好姑熟自此爲名區君不見滕王閣庾公樓樽罍千
載誇風流又不見宴寢一詩尚不滅至今人道韋蘇
州噫吁噓四座勿歌聽我歌宣詔之名君謂何守臣

不墜帝王澤六合長靜無干戈

濟源草堂歌贈傅欽之學士

秀氣鴻濛濟川曲十畝清池萬竿竹竹裏脩椽架草
堂不羨長安買華屋春生廣野碧玉柔月擁翠嵐銀
粉撲低飛白鷺揀晴沙聞曉黃鸝轉喬木明明長劍
倚太行拂拂愁煙蔽盤谷重崗漸遠勢愈高雲開青
出分秋毫龍蛇鱗甲雪霜洗壯士四顧空提刀陰晴
萬變恣吟寫三疊琴聲猿夜啼君不見古來功名輸
隱叟種桃採芝皆皓首不將機械攬靈源能使形骸
頗長夕明公何年歸草堂扁舟我即浮滄浪江魚有

味四時美一蓑醉卧蘆花傍男兒彼此送終畢自筭
此身無得失江東片月過河陽爲照兩處無何鄉

寄題蘄州涵輝閣呈太守章子平集賢

讀君涵輝記恍若登蓬萊天垂星斗數尋近地卷雲
山千里來冰壺倒景露華洗玉甕溶雪蟾光顏塵寰
何處路歧絕三十六洞森然開武夷真孫佩符印選
勝得此持金壘文章欲會造化手藩屏暫屈巖廊材
謝公寄意東山妓嚴生把釣桐廬臺功名談笑出千
古長與泰華青崔嵬其餘齷齪何足數百年易得成
寒灰爲君高吟豈知倦十分美酒誰相陪我欲乘風

一飛往病翅零落秋霜推涵輝閣寧以遊重瞳法堯
垂冕旒側聞下詔十六相真孫第一還瀛洲

宣州雙溪閣夜宴呈太守余光祿

陵陽三峯壓千里百尺危樓勢相倚海波不動蛟龍
盤壘玉無塵雪霜洗溪光冷浥山光潤地接金陵古
名郡青猿嘯斷四五聲白鳥歸飛兩三陣四時之景
皆可觀六月來遊膚髮寒有時下瞰北山雨只道林
林銀竹竿賢哉光祿余太守昨引佳賓列樽酒朝飲
三百林暮吟三百首不為陰慘嚴刑誅長吐陽春活
殘朽御史曾書治績碑州人盡祝靈椿壽沉沉羅幕

更漏稀燈如撒星公醉歸然篁前引後鼓鞀珠履交
錯行遲遲丈夫得意不為樂借問百年能幾時

寄題洪州潘延之家園清逸樓

南昌城中潘令宅清逸樓高二千赤斜飛四角河漢
躔密排萬瓦鴛鴦碧樓中至樂無人知掃盡寰區利
名迹霜華吹月鴈橫空湖水浸天秋一色櫓聲斷漁
歌起西山却在蘆花裏行客紛紛嗟白頭纓塵不解
滄浪洗愛君年少先拂衣古人歸去無今時上有明
明垂衣之堯舜下有錯落戴主之咎夔湟中不用一
簫取繚繞驛道通捷為更看牧馬天山草澡心雪恥

幽燕兒朝廷大業昔未有志士獨往吾何譏陶彭澤
阮步兵回首晉道方飄零絲桐欲彈悲思盈豈如潘
令逢昇平倚欄一醉絃索鳴紅綃燃蜜爛華星玉人
舞徹東方明

寄題德興余氏聚遠亭

晴空風卷浮雲落萬里秋毫瑩寥廓姘娥泛月中夜
來撲撲山川銀粉薄天垂斗柄掛簾鈎地接明河浸
欄角誰傾世界入冰壺混混仙春迷海嶽嗟予南望
未能往小宰塵勞真齷齪感君寄我群公篇覽記方
驚子先作詞源奔激吼波濤筆畫縱橫挫予槩構名
措意豈徒然景物化爲仁智學文人教子惇義方宴
息時來命樽酌何當勇起拏扁舟夢寐思陪衆賓樂

留題潛山山谷寺

山如連環不可解玉溜穿崖鯨尾擺中天化出清涼宮
汗漫瑠璃翠光灑回頭無路通人間毛髮森森神魄
駭長碑突兀壓巨螭字刻雄文入摸楷乃知梁僧挈
刀尺來此幽棲聊脫襪地祇制手鎖巖戶開縱有堆金
豈能買繫祖傳衣當第三至今異骨藏斯巖我朝重
賜七寶塔舍利感應符至誠誰自磨崖記名姓習之
健筆深鐫鏡盤翬皴鱗想風驟雲霧濛淡遮松杉至

寶不獨世所惜定有山鬼長扁監願借雷公霹靂斧
堅珉斫斷載以函高僧邀我恐忘返虎豹堪驚日將
晚歸來拂榻坐虛堂軟煮黃菁薦香飯千年遺迹安
足誇幻妄非真生有涯奈何吾勢未能已夢想長在
金僊家

留題九江劉秀才西亭

西臨大江南
廬阜北見四祖

南出九江城西下五老崗倏然一徑二三里流水散漫
桃花香桃花迴環蔽深屋犬吠遊人人扣竹青衣借
問來何爲正是劉郎春酒熟劉郎不厭客撫掌邀我
曹西亭有榻醉可卧下臨大江萬頃之洪濤長帆出

沒送孤鳥月飛不過哀猿嗥更愛雙劍峯正落南窻
外天公好仁不用武太古光鏗未磨淬誰懷邪佞心
見之膽應碎淮山在天末寒青亦相對微風時一來
松栢搖蒼珮頃刻神官驅黑龍凶凶興雲變明晦地
勢雖高直可驚酒行且止盍休噉劉郎顧我笑爲言
何苦悲陰晴非汝職不醉將疇歸歸來乎頻相過西
亭把酒共君歌

留題西林寺攬秀亭

李公擇學士命名云李白有九江秀
色可攬結吾將此地巢雲松之句

行瞻香爐峯未出二林口一區廣地如席平誰作新
亭名攬秀秀色可攬結正對香爐峯李白愛之不忍

去便欲此地巢雲松寂寥往事三百載澗泉谷草依
舊揚清風泉可掬草可擷清風洒面如冰雪閑來携
手四五人倒盡金壺頰不熱寸心何獨忘寵榮形骸
遺盡神超越寄語世上士勸君早歸來霹靂轟車膽
欲落忠憤雖死何為哉此時竟不悞此心徒自知嵐
光向晚紫翠滴杜鵑更在深林啼試拂橫琴奏流水
指下忽作商聲悲悲來乎可奈何推琴罷酒為君歌

青山集卷第一

青山集卷第二

當塗郭

祥正字功父

長句古詩三十首

鄭州太守王龍圖

贊之

出家妓彈琵琶即席有贈

偶騎匹馬遊仙關瑤池夜宴歡未闌邀予末坐聞清
彈琵琶十槽聲正繁初疑飢鸞啄玉應天響忽似霹
靂數聲春氣還曲遍將終檀板急舞袖裂霞段隨拍入
踏碎瓊筵鸞步嬌汗透香綃露桃濕解條罷舞整花
鈿宛轉仙容鴈行立主人使令持酒卮香隨羅襪成塵
飛銅龍無聲夜無極煌煌燭焰回朝暉桃源花落長

溪淨人着秦衣樽俎罄豈如此會絕風流主人慙懃
賓客敬我作短歌公聽取人世百年能幾許樂極哀
來古所悲不如立功當此時

瑞昌雙溪堂夜飲呈吳令子正

星斗闌干月未吐但愛溪聲似山雨青燈照室並銀
花白酒傾來不知數子善評文我不如我亦談詩子
深許酒酣索我須論兵拔劍畫地軍陣成十萬狂胡指
掌取五方應敵旋風生文武道判惜已久聖賢相遇
猶難并相如謾作長門賦屈原虛著離騷經不知於
世竟何補可憐博得千年名韓信收身苦不早功成
伏劍真草草始終最愛嚴子陵坐視乾坤任傾倒咄
嗟語險氣已傷况復賦詩聲調長卷紙連書不磨琢
子鋒太峻非我當撥置萬慮付江海收拾寸心歸老
莊天地得一馬喻馬請思前事皆佯狂

寄吳著作

憶與君別時君行朝北極潯陽江頭車馬光意氣翩
翩動秋色君還舊廬能寄書謂我楚辭傳上都是時
盜賊正紛擾日夜奔走承使符謝君後時聞已惡壘各
交深豈必書問數誠明相照期無窮但惜遠別臨春
風春風來已老落盡桃花紅有時孤坐碧山裏彈指

倏忽成衰翁文章不直一杯酒功名付與千年松何
時逢君談豁我此愁恨攀雲不見麒麟蹤趨泥自笑
駑駘鈍兒女安否今何如親雖未成交莫踈願君富
貴情不改敢將瓦礫贈明珠

將至江夏先寄太守李學士公擇

二月發姑熟三月到潯陽聞君解纜纜五日驥尾難
追空斷腸十年前作潯陽吏老校相逢猶引避中丞
孤憤已沉泉時事愈新誰敢議欲吐哀音寫心曲濛
濛江聲搖地軸橫琴靜夜按金徽泛到商絃斷還續
憂能損氣須忘憂移船漸近黃鶴樓樓前芳草漬煙

碧君今賢過竒章侯試詢樂部誰工笛曹日王舊曲何
人識水中龍應雲不飛月華正在江心白滿傾綠酒
濃如油為君吞却鸚鵡洲開帆快意出天外可惜礙
斷長江流

予嘗尉潯陽日事
故中丞呂獻可

蔣公檜呈淮南運使金部

頴叔

此檜希魯

侍郎漕淮日手植

淮南庭中有蒼檜仰視團團翠為蓋直幹每容鸞鳳
棲盤根深壓鯨蛟龜背北風夜作兵陣聲恐取蛟龍斬
天外呼童出屋為我窺摩颯清陰月光碎問誰植之
前蔣公得地倏經二十載不同種杏上青天正似甘

崇有遺愛使華今復見公孫太平事業鍾一門祖朝
冠蓋漸塵土却嗟此檜春長存孤高豈忘栽培力秀
發兼承造化恩已看枝葉飽霜露終作棟柱扶乾坤
新詩編聯盡珠玉光大先烈聽箎堦更憶丹青妙畫
手進入明堂逢至尊

蜀道篇送別府尹吳龍圖仲庶

長吟李白蜀道難蜀道之難難於上青天長蛇并猛
虎殺人吮血主母氣何腥臃錦城雖樂不可到側身西
望泣涕空漣漣其辭辛酸語勢險有如曲折頓挫萬
丈之洪泉世人不識寶玉璞每欲酬價齊刀鈔求之

往古疑未有惜哉不經孔子之手加鏡鐫公今易節
帥蜀國為公重吟蜀道篇旌旗翻空度劔閣甲花照
雪叅林顛雲鼉連椎公聲碎畫角慢引斜陽懸竹馬
爭迎舊令尹指公長髯皓素非往年蜀道何坦然和
氣拂拂回屋躔長蛇深潛猛虎伏但愛雄飛呼雌響
亮調朱絃時乎樂哉公之往也九重深拱堯舜聖廟
堂論道丘軻賢撫綏斯民賴良守平平政化公能宣
束兵興學有源本何必早夜開華筵嘗聞家家賣釵
釧只待看舞青春前此風不革以愈薄稔歲往往成
凶年噫吁嘻今我無匹馬安得從公遊畫書政績來

中州獻之明堂付太史陛下請捐西顧憂

錢塘行送別簽判李太博獻甫

東南會府唯錢塘高門雙開南斗傍門前碧瓦十萬
戶曉色滿城煙雨香聖祖神宗造區宇應命最先吳
越王不經兵火二百載地饒沃衍民康強蓮花紅白
西湖芳南山翠影臨滄浪瓊樓寶塔照日月塵埃不
到炎天涼畫船羅幕畫高卷白玉美人遊冶郎年年
中秋海潮過萬頃銀山向前墮少年輕命爭弄潮手
掣紅旗逆潮簸聞君此行承辟書伯樂能求汗血駒
四時風物同吟嘯十郡兵民歸卷舒公閑畜德聊自
養承平功業還吾儒况君登朝未四十慎勿出處窮
歡娛慎勿出處窮歡娛臨淵履冰佩瓊琚

天台行送施山人

平生樂山水聽客談天台盤石摩沙浸海月瀑布淙
射煙霞開山罾噴作千巖雨潭底晝夜轟風雷諸峯
攢叢護寶刹地與世隔無纖埃仙葩靈鳥四時有石
砒玉洞清風來施夫子欲長往高謝功名脫塵網况
有西來老佛師了悟無生任消長若許陶潛載酒過
便駕蒼虬逐真賞

蹉跎行送裴山人

蹠蹠蹠蹠裴山人破帽麻衫被埃塵忽來訪我環峯
市醉倒不顧傍人嗔壯士不得志汙泥困脩鱗誰傾
滄海救枯澤矯首奮鬣乘風雲回頭問鷺雀爾輩胡
爲群巢寄栢梁一朝火孤栖風雨更誰隣蹠蹠蹠蹠
裴山人行路無窮鼻酸辛元通獻甫儻不遇况有特
達朱純臣蹠蹠勿蹠蹠豈有壯士長遭迤

道林寺送別崔提刑

用沈傳師酬唐
侍御姚負外韻

湘江傾瀉明河源湘山來落如駿奔尋幽乘興莫辭
遠白雲中有黃金園佛師無心法愈密徒衆先後陳
卑尊甘泉噴洒仙籟爽此身已覺超籠樊高堂却見

山外水古鑑磨開蒼蘚昏長城深鎖萬家富老木自
作千管屯兩洲半沒鯨鼓驪雙崖斗起天爲門滄溟
不識幾番變石泐猶有濤淙痕茯苓愈大愈堪食深
鋤但惜傷松根登高覽物亦徒爾秋色况是當離樽
崔侯才思銳無敵蒼鷹得兔霜翎翻嗟余染翰愧復
止累句何足光行軒故人柄政坐東府請君獻策安黎元
遊石盆寺呈蔣殿院兼簡余光祿

石盆古寺蒼崖顛斷碑皴剝無人傳其文僅識隱巖
字御史飽學能推研乃是鄭薰之別号洛師易節來
刺宣風流直欲繼謝守行春車馬時聯翩紅粉行行

音
杭杏花笑旌旆燦燦雌霓懸松聲颼颼雜簫鼓薜園
繚繞疑檀煙不知身世有軒冕且將樽酒投林泉暫
時樂事亦難遇高文大字精磨鐫可嗟榛棘一藏晦
清風零落三百年洎逢佳士始珍賞洗滌塵垢邀神
仙坐思往迹若夢寐明河千丈傾辭源啼鳥至今不
避客上下啾聒兩耳邊山僧構亭又高絕群峯葉葉
如青蓮崔嵬寶塔掛落日沉碣冰壺撐釣船余公胡
爲未嘗到美景若此寧弃捐請携吟筆窺造物更向
雲中調管絃

凌歊臺呈同遊李察推 公擇

膺月欲盡春風來壯士尋春上高臺金烏慢飛光徘徊
照散冰霜天地開梅花披香柳煙裏狂殺錢塘蘇
小小玉簫金笛鳴高樓悵望傳書落青鳥吾曹強飲
三百杯老去功名安在哉欲駕飛魚入東海王母爲
我傾金罍蓮華變碧蟠桃熟仙家四時應不速醉來
拍手乘紫煙遊遍洞天三十六高歌杳渺春風裏我
懷清徹西江水腐儒往往吟吾狂猶幸楊雄作知己
脫君身上蜀錦袍解我罾下并州刀更沽美酒共君
飲不負今朝春思豪

凌歊臺呈同遊張兵部朱太守

江東使者武陵仙姑熟太守南都賢同時文采耀場
屋今日寵榮分使權歲豐民樂官吏肅登高望遠開
華筵凌歌古臺壓城北天門牛渚遙相連六朝盛事
竟何在白雲芳草空綿聯黃鳥聲酸落花雨青蒲風
送西江舩鳥聲繚亂帆影沒勸君莫負杯中物百歲
榮華如轉輪一半光陰已倉卒寧須雜絃管不必繁
綺羅紫尊煮豉肥鱸膾更聽江南賤士歌堯崩舜立
天下治廟室靈芝最為瑞崑穴自此無遺民請把長
戈鑄農器功名來時如等閑四皓去矣誰復還一朝
攘臂揖太子社稷不動安如山可笑屈夫子憔悴長
寰脫雙屐

遊道林寺呈運判蔡中允昆仲 如晦 用杜甫

元韻

長沙城西湘水隅道林古寺松門紆嘗聞秀絕超五
嶽果見氣象吞重湖殿前銜花走白鹿殿裏沉煙焚
玉爐何人塑出慈氏衆冠纓動活搖明珠高僧處處
有遺迹盤石坐禪龍虎俱唐人妙筆數歐沈至今板
上棲群鳥五言七字又奇絕此寺此堂天下無不緣

薄官豈能賞勇往兼有兒孫扶賈生前席竟憂死屈
原懷沙終自誅投身及早卜幽隱淡泊久乃勝甘腴
雲生岳嶠月晦影雨過橘洲猿夜呼細吟靜境足自
適忠憤未合思捐軀趨玄飽讀長者論養真默合煙
蘿圖千篇愧比老杜老一節願隨孤竹孤况陪使者
共遊覽二謝弟曩真友于不知昔日揚常侍何似今
朝蔡大夫

舒州使宅天柱閣呈朱光祿

群山奔來一峯起千丈芙蓉碧霄倚常娥却月愁推
輪王母呼煙結繒綺分明有路金闕通翠滑無塵玉

壺洗老松自作孤鳳吟駭浪時翻三井水峨嵋絕巔安
足論力不擎天亦徒爾懊惱茂陵客白日求攀天遺
壇猶在半蕪沒隱約龍馭回瑤鞭直至唐家六皇帝
夢感異境開重玄真符預告後五百佐佑寶歷推鴻
延城頭建閣舊丞相牕戶冉新光祿賢手携大筆恣
吟覽老句氣焰摩星躔當時數赴范公辟秀骨照坐
誰差肩功名自許出絕域歲月漫往脩途遭丈夫有
命豈嗟感投老得地多雲泉霜柑正熟蠃螽美白蟻
旋漉浮金船伊予困躡坐小邑悵望珠履叅華筵祝
公自此早歸隱幅巾藜杖詩中仙

中秋登白紵山呈同遊蘇寺丞子駿

平湖萬頃浮青玉常娥更攬寒光浴天高星稀魚鴈
沉風靜雲消絲管逐試聽郭子今宵歌對月不飲柰
愁何上盡高山萬丈之絕頂側身可以攀明河明河
洗君耳明月照君面暫來空洞無物逍遙鄉安用聲
名誇海縣前年從軍梅山下林黑只憂偏弩射去歲
點夫大河北黃土吹衣無晝夜勞勞功業安在哉出
林之木風先摧有言不得見天子卷舌却出金門來
流光差池鬢垂雪幸對高才值佳節更在相公遊處
遊白紵悲歌再清越登高何必須重九零落黃花汙

濃酒豈如桂子散秋香采露金人舉纖手舉纖手欲
未休月輪忽轉西山頭明年此會定南北沉思使我
增離憂荆榛滿眼世路惡恩忘水覆終難收田文昔
日三千客去住如今均一丘噫吁噓達亦不足恃窮
亦不足羞但願明月照我酒古來秉燭供遨遊因誰
為謝北海若醕酎不辨馬與牛

登王知白秀才跋賢亭呈同遊余萬二君
鑿山構亭隣北郊志慕賢哲忘喧呶豁然千里開林
梢地勢不得藏嵌坳三峯重樓排卦爻二溪卷浪飛
怒蛟漁翁捕魚船尾敲稚子鉅埽爭勝拋小塘圓沙

來鴈鷓茂橘間錯黃金包主人情深添與膠美酒旋
漉羅珍肴亦有麟脯膾海鮫痒背只欠麻姑抓浮生
胡爲長繫匏不蹈聖域徒饒饒竊甘祿食憂謗嘲有
若夜鼠防飢猫羨君脫屣心無殺笑傲自足追由巢
猛飲未徹鷄鳴嘍新詩下筆論卷抄余君酒量辭斗
筓醉帽墮地垂鬢鬚萬子能禪誇悟泡我獨愛酒流
涎交同趨至樂情何整耳

德化默亭觀雪呈鄭令

霜風結海天雲冰夜寒斷盡朱絲繩曉來何處看猛
雪鄭令新亭最高絕倒披貂鼠一登臨飛鳥不飛早

光滅時吟杜甫苦寒詩白鵠翅垂眼流血崑崙關折
非吾憂但願春泥補地裂西南香鑪萬尋玉遠思飄
然看不足欲騎鸞鶴飛其顛身雖未往神明肅又疑
夢向瑤池過王母樓殿高差我粉圖屏風畫未竟隱
隱朽筆方森羅天工好奇人莫識縱心壯觀聊唧唧
酒瓶倒瀝萬籟沉客子狂歌主人默默胡爲乎名斯
亭主人意深窺杳冥不爲四時役不擇萬象嘉與時
窮通自消息見我狂歌應笑耶

采石亭觀浪

洞庭秋高北風起怒浪排空日光眯坐見雪山飛從

物外來地軸天關恐將圮移沙裂石失浦溆群龍呀
牙鯨掉尾舟人但如鶴鳴咫尺尺存亡隔千里嗟哉
至柔物瀕洞安可當大禹沒已久巨浸誰為防須臾
風收浪亦靜常娥洗月添寒光湘妃妙曲鼓未徹汨
羅之魄雲徜徉而今君臣正相樂法弊一一新更張
監司精明郡縣肅固無忠憤惟循良洞庭怪變自出
沒迴首天邊歸鴈行

祀南嶽喜雨呈李倅 元古

六月赤日方炎炎雲不行天龍遁潛陰陽失職帝怒
赫地下萬物遭炮燬農夫爭陂數闕死驅沙擲土唯

飛廉湖南本錢二十有四萬歲望何以安黎黔府官

惶惶使臺恐祀壇禱嶽惟精嚴君馳副車職其事秘

文在板香盈匱鏤刀割牲薦肴酒夜半奠玉抽靈籤

星河收光倏陰晦雷聲駢駢來山南協韻斯須密點欲

裂瓦燭光出屋排龍鬚謂屋溜也鼙鼙哀啼曉色淡碧澗

以涸銀濤添田田水足稻秀拔旱曠一洗涼颼兼芬

馨羅列報神貺文實之論前賢僉與雲作雨乃誰柄

坐視焦灼慳濡霑待茲誠禱始感發威福自任寧無

嫌至理從來莫能詰異景聊足開吾瞻孤峯翠滑犀

露角溢溜飛洒瓊為簾煙藏拱木半吞吐湘水倒影

分毫纖廟門欲出尚回首正似老筆圖霜練高吟成章又竒絕睥睨韓杜君何謙嗟余適爲簿書縛不爾從往精神欲蚊蠅休飛夏將盡清露收拾堆圓蟾何當結軌更一往歷覽舜迹窮高尖群仙雖有路歧遠志士豈無巖谷淹收竒拔俊召和氣一國遂除災青占暫時響應未足數此語非是君仍破

寄題鄂州李屯田家園仁安亭從道

頭陀樓閣生青煙畫屏正落南簷前主人隱几寫風物幅巾瑩爽南昌仙仙翁讀書五千卷道與世背多聾遭安之不擾靜以養逸我壽老全於天簾櫳踈踈

日光透欄檻寂寂花陰圓黃鸝弄巧子趁母白酒釀熟金爲船淵明醉矣客可去細藤織榻閑歌眠君不見黃鶴樓鸚鵡洲碧雲欲合天自晚芳草無情春亦愁襴衡白骨瘞何處曹王舊曲無人收沈吟往事變華髮不飲何以銷吾憂銷憂乎君且飲醉來天地真衾枕

金陵賞心亭

夾淮青城幾百尺城上高亭望無極南還北去千萬艘人生何苦戀驚濤百年易得變塵土後世視今今視古此間風月最爲多莫辭把酒呈高歌前朝宮苑

荒煙在樂極悲來亦奈何

鐘山寶公塔

盤盤鍾山古城北夾道青松兩行直浮屠突兀倚雲
煙繪事猶存舊刀尺刀裁尺量不可過浮生不悟欲
如何凭欄直下眎千里多少丘墟藏綺羅

徐州黃樓歌寄蘇子瞻

君不見彭門之黃樓樓角突兀凌山丘雲生霧暗失
柱礎日升月落當簾鉤黃河西來駭奔流頃刻十丈
平城頭渾濤春撞怒鯨躍危堦僅若孟于盪浮斯民囂
囂坐恐化魚鼈刺史當分天子憂植材築土夜連晝

神物借力非人謀河還故道萬家喜匪公何以全吾
州公來相基壘巨石屋成因以黃名樓黃樓不獨排
河流壯觀彈壓東諸侯重簷斜飛制手驚電密瓦瑩靜
蟠蒼虬乘閑往往宴賓客酒酣詩興橫霜秋沈思漢
唐眎陳迹逆節怙險終何求誰令頸血濺砧斧千載
付與山河愁 聖祖神宗仗仁義中原一洗兵甲休
朝廷尊崇郡縣肅彭門子弟長歡遊長歡遊隨五馬
但看紅袖舞華筵不願黃河到樓下

留題呂學士無為軍謫居廊軒

城頭高軒眺千里數里蒼山兼寒水帆開半落有無

間鳥飛不斷丹青裏北斗踈踈河漢曉蓬萊一登天
下小心隨境化形亦忘誰道霜翎老華表曹公窺吳
教水戰虎貔躡踏鯨鼉轉野父相傳此渡頭魚網時
時得遺箭削當場英氣安在哉千年絕景藏蒿萊地祇
監護待賢者攔干倚遍傾金壘目送白雲望堯闕忠
功孝名堅一節明時不作離騷經玉上青蠅解磨滅
升沉偶然安足嗟與君高詠思無邪數聲長笛奏何
處微風吹落天之涯天涯桂樹清輝發萬頃波瀾凍冰
雪若承紫詔返瀛洲此地曾忘遷謫憂

漳南王園樂全亭席上呈同遊諸君坐客

劉公曰有水一池有竹千竿可以賦詩浪
士勇起索筆即其言綴成長調文不加點
樂全有水一池有竹千竿池通兩潮信竹密四時寒
引子黃鸝弄語探魚碧鳥忘還復有佳賓命酌水晶
交錯觥觥空中聞玉簫王母想乘鸞問君不醉當何
適百歲憂愁今夕歡常娥癡妬埋冰盤絳龍蠟淚傾
不乾孰知大海騰波瀾自有人世藏仙源劉公八十
精神全留子造古風義全蔡阮名家文學全王氏世
鑿陰隲全兀兀浪士天機全樂全乎且飲酒獨醒懷
沙亦何有

題畢文簡公撰李太白碑陰

清風無根長不死太白高名亦如此何人謂是王佐
才文簡雄詞瀉秋水賢孫出守鐫長碑碑成字字生
光輝寵胡妃子已萌亂翩然鳳鳥來非時出林秀木
衆欲殺納官贖命何其危畫舫載酒酌明月不著漁
蓑披錦衣醉眠天地即衾枕至今荒塚人疑之丈夫
闔棺事未定後三百歲方逢知知太白文簡公不誇
能詩與飲酒惜其浩氣突兀藏心胷青山老碧洗秋
色姑溪濯綠涵春容太白不見碑可見螭盤龜載傳
無窮

寄題湖州東林沈氏東老庵

東林沈郎真隱居山環水遶開方壺何年濯足脫塵
網坐卧七言哦蕊珠有時隱几佚吾老萬事不到靈
臺虛甕間綠螳春欲活仙翁夜降青雲車自稱山人
号回客為君猛飲留斯須蚊蠅驅盡燭還滅清風掃
地銀蟾鋪梨花蕉葉鍾與鼎倒卷錦浪吞鯨魚雙瞳
湛湛翦秋碧三山不動喬松孤歛然踊起拂素壁筆
灑二韻鏗瓊琚西隣已富憂不足東老雖貧樂有餘
白酒釀來緣好客黃金散盡為收書甕乾吟罷尚携
手寥寥天籟鳴笙竽渡橋挾袂忽無迹東方漸白飛

群鳥世人尋仙不可得仙人寓世情何如桃源歸路
杳難問落花流水空踟躕後來福禍固已驗死生往
復猶坦途園庵不壞子傳業玉琴遺韻寒泉俱以回
易呂未可必回生回生是亦劉方徒

舟經池州先寄夏寺丞公酉

去年收帆貴池口聞君高歌撞玉斗今朝至自大湖
南五溪新事爲君談一年往返七千里鄉國生還真
可喜君家白醪應已熟正好齊山泛黃菊

留題方俊秀才壽樂亭

君家有亭何壯哉參差碧瓦鴛鴦排重窻靜深門不

闖地布瑩壁光如揩班班簾竹輕風篔日影射午疑
瓊階疊山墮勢危相挨木人圍棊或負柴虎卧洞壑
猿攀崖好鳥上下鳴聲啾真假造物微毫差玉葩照
水絕纖埃絲篁調音衆伎俳水沉焚煙凝晝霾夜晦
爛蠟非燃蕪唱酬交錯并詼諧逢逢曉鼓傳官街兩
入場屋隨計偕未得藍綬持簡槐吾寧汲汲同井蛙
棄去不顧如弊鞋沉潛自適江與淮滔滔動靜終無
涯圓天方地安形骸雖然此樂非吾懷嚴慈鬢髮霜
華皆嗟今仕祿猶睽乖行聞投印來歸來亭上致宴
羅吳娃吳娃醉唱敲玉釵綵衣自舞心寧悒心寧悒

奉親酒壽樂之榮世希有

青山集卷第二

青山集卷第三

當塗郭

祥正字功父

長句古詩三十三首

寄獻荊州鄭紫微毅夫

李白不愛萬戶侯但願一識韓荊州荊州太守古來
好至今文采傳風流鄭公辭賦天下絕殿前落筆鏗
琳瓔相如嚴謹返枯澁宋玉爛熳隣倡優卓然風格
出天造冰盤洗露銀蟾秋麻衣脫去未十載寶犀飾
帶魚懸鈎道行言聽遇明主皂蓋朱轡寧久留渚宮
風物最蕭洒酒蒲金罍誰獻酬公嘗愛我似李白恨

不即往從公遊醉看舞袖卷明月夜聽長笛臨高樓
詞源感激瀉江海筆陣頓挫排戈矛駑駘蹇蹶固已
困勉之尚欲追驂騑一朝公歸坐廊廟致君事業如
伊周門闈從衛愈嚴密是時願見應無由行當投印
佩長劍夢魂已附西江舟

姑孰乘月泛漁艇至東城訪耿天隲

姑孰望東城長江八十里思君半夜泛漁舟明月隨
人渡寒水江南美酒君家無携來相就傾一壺澄江
如冰月如玉拂拂清風生碧蘆功名無成安足嗟但
令方寸無疵瑕煉丹碎穀亦瑣瑣萬物何處非生涯
君不見鴻溝欲將天下裂失道陰陵遽身滅玉帳周
遭皆楚歌金甲繽紛摧漢鉞重瞳却傳繪塑手瓦鼓
巫歌薦神酒廟前老木藏訓狐豪氣英風亦何有沉
吟往事君勿悲我曹幸遇堯舜時田中穀稔牛羊肥
高會難逢易別離今宵不醉欲安之

西山謠寄潘延之先生

男兒無成羈薄祿日月相推猶轉轂誰向生前悟此
生西山山人掛冠速買田築室臨西山時來石上橫
琴彈千古萬古治亂事一曲兩曲頓挫松風寒門前
禾熟醞美酒故人車馬留盤桓榮亦不足貴辱亦不

我干但願青山綠水兩不變醉醒自得窮觀玩名落
人間非所欲閉門且喜辭憂患君不見李太白朝爲
酒家仙暮作金鑿客醉裏題詩宮妾扶自謂遇君今
古無一朝讒言入君耳夜郎遠謫吟魂孤到死空言
竟何補何如道行及妻子西山人孰可比晴空矯矯
孤雲飛欲往扳援無路岐

上趙司諫

悅

彈劔思經綸悲歌負陽春逢時不自結明主空文亦
是尋常人君不見太公辭渭水謝安起東山日月再
開天地正龍虎感會風雲閑又不見屈原澤畔吟離

騷漁翁大笑弗舖糟可行則行止則止胡爲憔悴言
空勞夫君之名振朝野道行諫聽逢時者南州豈足
舒君才天門夜詔星車迴紫皇之真人造化無嫌猜
往將和氣輔舒慘不令地下萬物同寒灰功成收身
彩雲裏坐酌千觴浮玉蘂麻姑王母相經過醉來共
泛瑤池水樂亦不可盡名亦不可窮願學李賀逢韓
公他日不羞蛇作龍

贈張御史公遺

我愛張御史酒船打拍浮伏音欲邀天下賢盡向酒中
愚世人雖飲酒只知酒味不知酒意胡爲乎又聞夜

歸東海頭撫掌喚月當金壺須臾蝦蟇蝕月黑公起
磨刀代天誅蝦蟇吐月入地走玉兔還家桂樹不枯公
方醉卧常娥驚呼且語東方蒼青龍遲遲推出赫日
車自然月光不滅公飲不徹是時應笑高陽徒

贈提宮諫議沈公立之

神仙之府名雞籠千尋翠玉擎寒空秀色凌風入城
郭半銜曉日金濛濛賢材間出萬人傑行脫麻衣趨
紫闕三朝出入持使權凜凜聲名洒冰雪往年作鎮
來金陵天子臨軒宣老成問公書畫幾萬卷品秩入
奏編瑤瓊延閣往往未嘗有詔扎獎與光華生僉言

公歸坐廊廟易節暫刺玄暉城懇請仙宮遽知止車
蓋翩翩還故里粉娥執樂四時春窈窕芙蓉新出水
嘈嘈絃管鸞鳳鳴玉卮獻酒公解醒人生快意似公
少家園乃是直蓬瀛數峯飛來雲霧濕琪樹玲瓏曉
寒入綠池水照百花明芳亭小榭佳賓集有時自賦
歸來篇幅巾藜杖詩中仙秦晉諸子因避世種柳栽
桃安足憐願我登門二十載貴勢能忘竟相待數奇
自笑無所成亦欲浮舟往滄海滄海雲濤人不爭忘
機可以超神凝比公進退殊未足若問逍遙無鷄鵬

贈孫郎中景脩

江潮夜漲北風惡雙槳喜逢溪岸泊桂陽史君賢故人借問慙慙吏來數浮橋傾危暗難渡靜枕不眠聽曉角平明自笑僕乘無破帽赤髯行蹉跎袖持漫刺前起居屢嘆窮愁手頻握嬰兒連死瘦妻卧病骨尚遭讒啄啄壯志消盡同寒灰生事無涯委藜藿男兒有命何足論斗酒貫衣評舊學愛君新篇溢千楮突兀寒霄見南嶽龍蛇千丈老松杉霹靂一聲揮電雹豈宜偃蹇處郎曹固合逶迤步臺閣天子聰明繼堯舜廟堂論道皆伊霍拔茅連茹收時才尺寸高卑應不錯君馳亨路鶚橫秋我困汙泥龜縮殼

贈張參軍待舉

宣城之人張待舉高才未得見明主強將樽酒娛天真猶得狂名落寰宇陶陶復陶陶意氣蛟龍豪滄溟豈是遠銀漢不爲高路逢郭子陵陽津平生未識如故人相歡握手輒大笑共訪瑤池尋玉真天門夜叉識慮惡爲我無錢謹關鑰興闌却駕彩雲歸別入紅窓共君酌醉來兀兀乘扁舟長溪水碧芙蓉秋願逢萬丈龍鬚蓆卷取月明歸玉樓

贈彭明微判官

昔謁公家賢侍郎一見許我能篇章俸稜兵酒屢持

送時時解榻令登堂今喜清風傳令子回首亨衢脫
雙屣北堂歸養太夫人水陸珍羞稱甘旨深沈大第
蟠虬鱗兒孫藍綬何洗洗有時宴喜列賓客洞房粉
黛桃花春玉指纖纖拂絃索輕雲凝碧羅衣薄主人
快意妾爭妍松上女蘿知有託君不見景太傅殺身
本為功名誤又不見張舍人朝為近侍夕為民古來
寵辱亦如此安用浮雲纏此身受君進退真得所不
負青春領歌舞我方兩鬢撲黃塵夢寐江南思舊土
別君去將拂衣扁舟若渡歷陽月願聽新歌酌酊歸

贈陳懶散

懶散翁何怪竒形容石砢落似元亮情性孤高如伯夷
靈臺瑩徹軒轅鏡妍醜默辨毫與釐生涯只寄一壺
酒萬事掉頭予弗知或乘爛醉說儒佛風雲坐上騰
蛟螭顯晦自任不可測頭角變化將有時驚人一鳴
沖天一飛豈能齷齪事小隱堯舜君臣方有為懶散
勿懶散石渠金馬須翁來

贈舒州李居士 惟熙

李居士存心最慕韓伯休州城賣藥不二價世人求
我我何求顏如渥丹眼如漆和氣酣酣吐朝日偶來
握手為一言照盡五臟平生疾篋中自取三粒丹瘦

骨坐使春陽還便當投印棄冠帶與君海上巢名山
深鋤茯苓釀濃酒極飲形骸可長久乘槎鼓枻入雲
濤醉放一絲携六鼈

謝杜倅職方兼簡湯史君

李白昔遊宣城時誰爲太守賢相宜掣鈴交通喚六
博壯哉意氣凌虹霓北望樓高氣象古遺風餘思猶
依依我來正值青春半雜花爛笑禽爭飛輕煙繚繞
淡白日細風蕩漾吹遊絲高樓簾卷舞袖出百尺攔
干橫酒旗銀鞍白馬不知數龍箏鳳管相追隨杜陵
遠孫駕別乘恩威得所名聲馳華堂重構喚賓客風

前共倒黃金卮我爲下客最踈放辱君許可能文詞
死生寅緣釋氏說但覺時換名姓非寄言太守勿感
感共對佳人花下迷莫教流水落花去空聞暮雨哀
猿啼

謝劉察推 莘老丞相

秋風吹霜入松栢虛谷聲遙寒刺刺月華正高星宿
稀獨鶴不鳴觜插翼是時夫子爲我吟逸調雄才世
無敵十年學詩自謂豪一日逢君有慙色恍疑醉夢
太帝家寶藏珠樓不知極蟠桃結實九重春金銀琅
玕萬林直須臾收拾到平淡雨洗高峯增老碧又如

摩詰盡思精一幅霜綃數拳石鬼神怪變露形狀天
地英華發骨髓我家江南謝眺山山深流水長潺潺
猕猴摘菓趨不去白雲常在衣裳間斷無車馬送塵
土獨與猿鳥期追攀一椀有酌醉復醉萬慮不到閑
中閑欲邀君去詠此景願窺巨筆追楊班其餘功業
未足數天馬安得趨塵寰

謝東城練尉

我聞武夷山迺是神仙府靈舟插峭壁異骨留深塢
有時風高月色靜天樂瑤琤散天宇飄飄秀氣鍾爲
人往往聲名邁前古練君頭角傑然竒少年折桂登

雲梯陸機才華恨羞澁相如詞調慙支離青衫一命
東城尉能使斯民歌愷悌鸞鳳肯與鷄鴛爭萬里雲
霄終自致東城煙水秋茫茫覽古高吟應斷腸白蛇
血濺赤龍劍八千子弟同時亡而今戰處無青草廟
門斜掩狐狸老群巫請雨搖鐮刀滴瀝椒漿薦蘋藻
力拔山兮安在哉丹青壁畫空塵埃因君吟想不能
已孤鴈一聲山月顏

謝淮西吳提舉

子中

瘦馬徐行三百里撲撲黃塵眼雙眯手携簿法趨使
臺惟恐瑕疵煩摘指藍衫感感走廊廡與坐撫循顏

色喜琅琅先誦荊州吟醉來捉住鯨魚尾如今無復
氣凌雲垂首低徊逐泥滓須臾又忘按察尊羅列壺
觴瞰池水圓荷翻風碧玉軟幽鷺得魚團雪起正當
煩暑浩如秋更聽高談清入髓君臣會合前世無朝
廷萬事圖新美甲花照日御營寒胡命懸絲朔風裏
自嗟雖老力未衰命未遇知甘擯死南山射虎竟殘
年不得封侯亦徒爾感君欲引西江波涸轍行將脫
螻蟻功名成就須報恩莫道江南無壯士

仲春櫻桃下同許損之小飲因以贈之

君不見古人悲歌愁殺人一片花飛減却春徑須沽

取就花飲暫時爛醉陶天真借令黃金大於斗豈買
人間百年壽但願青春永不歸更得滄溟化濃酒朝
酌弗乾暮傾弗竭東向浮桑採日枝西入瑤池浴明
月枯桐三尺安足彈重華去矣薰風寒夷齊恥食首
陽粟屈子徒佩瀟湘蘭噫吁噫哉賢與愚同歸一死
胡為乎共君極飲且爛醉指點世路皆虛無許損之
爾為我滿斟我為爾高吟相逢莫恨晚結交貴知心
坐看南山一片霧忽成千里萬里之春陰

再遊花山

去年來時春未歸枯林杈桠露老枝今日重來春已

去秀葉茂密藏黃鸝山家景物新換故世事塵埃朝
復暮白頭迤邐謝輪蹄青塚綿聯老狐兔令人歸興
如浮雲早向江山樂賤貧不須訪道赤松子朗愛鱸
魚并紫蓴

酬蔡尉秘校

環峯雨過煙嵐披君醉兀兀騎驢歸明朝大字送蒲
篋乃是醉掃琅琊詩陽冰篆筆昔未有鐵索礪礪纏
蛟螭禹偁八詠不足數永叔爛浸鐫瑤碑山光水潤
洗出太古色更後敢作知爲誰愛君膽大少且銳攬
剔缺漏筆補之飄然一別今七載取讀往往生光輝寧

知流落尚爲尉瀟湘邂逅令人噫又致新章溢編楮
遣僕買酒烹黃雞伊予齒髮更衰落固異往昔相逢
時舉杯未盡輒醉倒眼吻雖強難扶持人生老去百
無益談新憶故惟傷悲勸君休吟亦勿飲榼株拘坐
真忘機死生終始了爲一清風爲我炎天吹

酬李從道太博

秋水浸天無表裏開帆已過三千里鸚鵡洲前逢故
人往事新愁還可紀祖朝熙熙民物好長憶聯車遊
五老鳥啼花舞送春歸倏忽官書滿三考從茲南北
趨塵勞往往遭嗤兒女曹斗筭之祿未能棄回首空

羨嚴陵高相逢彼此驚遲暮筆下琳琅寫心素荷花
十頃遶君家豈是荒榛礙歸路悲歌不覺青衫濕酒
杯未滿愁先入聞說明朝趨玉京直節如今恐難立

公擇鄂守學士三堂請雨

廟門斜開壓江浦紅裳小巫來擊鼓太守焚香令致
詞願駕蒼龍作霖雨三神鼎峙名謂何子胥范蠡馬
伏波圖經莫載碑字滅忠魂血食應不訛朝廷日夜
傳新令輔弼賢良元首聖陰陽調燮神相之忍使斯
民飢以病

酬魏炎秀才

碧雲暮合廬山頭夜蛩聲撼鄉園愁忽然一見萑鷖
客貫酒不惜千金裘高談稍聽吐骨髓歛如野燒光
難收虎豹哀嗥走不徹獵網四面誰能搜嗟予慄慄
畏事者兀坐視子勞雙眸主人欣歡亟掃室鴈榻旋
列橫霜秋雨溪倒碧瀉明月松窓左右風颺颺長篇
贈我不可和和聲酸澁令人羞

和懶散贈胡公

胡公家在東園隅世族蕃衍今仍孤平生嗜酒少知
者請說懶散提携初杖頭世界迷日月豁然心地無
榛蕪人人未飲公輒醉坐卧只與樽罍俱葦葦開口

洩上旨毛穎禿髮非中書貪官雖得後乃辱智慮可
惜於身踈豈如胡公泛滄海不用鼓柁并乘桴蓬萊
頂上受玉液酣酣至樂忘榮枯劫火任滅公未醒不復
願進承明廬承明侍宴盡金玉君豈有意來相呼

月下獨酌二首

長空無雲江水淨月出東方掛金鏡我時有酒何處
斟破碎寒光借魚艇便邀玉兔乞靈藥一粒爲醫天
下病玉兔旣不報我亦醉不知舟人解事喚我起月
輪已轉西山西人間萬事不可了且與明月閑相隨
明月不解飲何事解照瑠璃鐘金波蕩漾使我惜不
徹一酌萬事逃心胷良時忍自棄聖代真難逢生平
不知耕與戰唯知猛飲大笑吟清風竹林七子豈足
數淵明五柳方途窮一身不爲萬乘屈傲矣嚴陵垂
釣翁明朝官滿歸去來兮但願月輪不缺樽酒不空
吾君萬歲坐法宮四海長靜無兵戎

魏武廟

濡須山頭祠魏武炫轉紅裝按神鼓蘋藻盈筐酒滿
樽呼吸風雷激春雨田疇高下春雨平操牲飲福羅
中庭吞吳成魏遇歸晉血食猶叅杜鬼靈

向舜畢秘校席上贈黃州法曹杜孟堅即

君懿職方之孫也

青天無雲日華滿小妓樓中吹玉管卷簾不信夜霜
寒熏蘭酌桂肌膚暖黃州之客最少年醉來口角傾
詞源驚龍掣電統滄海沙場陣馬成功旋殿賜新袍
織春草水溢雙瞳犀插腦壯圖佇結明主知帶束黃
金應未老宣城憶拜乃翁時幕中珠履皆雄奇至今
名姓記僧壁當年已識麒麟兒嗟予老大日零落兩
鬢衰蓬眼生瘼寸心猶欲慕夷齊險路無緣攀衛霍
邂逅桐鄉逢故人槐槽瀉釀追陽春形容若畫凌煙
閣第一江南尋隱淪

懷青山草堂

三峯連延一峯尊龍山白紵如兒孫重岡複嶺控官
道北望金陵真國門淙流奔激洒河漢兩溪直接丹
湖源松荒檜老古佛刹鷄鳴春晚桃花村石崩廢井
謝公宅龜仆斷碣長庚墳斯人白骨已化土英氣往
往成煙雲我昔棄官結茅宇九品青衫安足數竹筒
盛酒騎白牛醉眠彫天與天語如何蹭蹬隨辟書十
年又向風塵趨只今南鬢負滿霜雪功業不成思舊廬
山花解忘憂山鳥名提壺四鄰未必便棄我三徑荒
草還堪鋤烏泥田肥種秣稻紫萸味美饒嘉魚盈缸

釀酒邀客飲林下散髮時時梳誰人繫尔不歸去自
問此心無乃愚

憶五松山

江南富山水忽憶五松山梁僧種松奪造物至今千
丈凌雲間上有寒蟾吐魄凝去声冰雪下有銅陵碧
澗傾潺潺雷公睥睨不可以揮斧老鶴飛來勢欲止
而復還猿猱側望何由攀琉璃殿閣若化出四天之
衆說法鳴金鑼我嘗脫屣往棲息六月清風無汗顏
濃陰可愛坐盤石綠酒酌盡橫琴彈命宮叩徵天地
變聽之以氣往往生羽翰紛埃不到佛淨國豈識人

間行路難塵勞忽起舊緣想倒騎匹馬來長安脩鱗
掉尾業已困涸轍孰與西江瀾髮踈齒缺形將殘畏
塗足躡心膽寒屈原懷沙賈誼貶身後忠名何足觀
不如宴坐碧山裏笑傲每携乃雲月歡明朝却欲渡江
去五松巖戶無人關方壺負嶠太殊絕幸有此山容
我閑

清明望藏雲山懷舊遊

憶昔清明出郊去藏雲寺前花正開蜜蜂銜蕊異香
散時時洒面微風來溪泉甘滑碧玉色晴山倒影無
纖埃紅粉佳人十七八踏青唱歌雲鬢顏黃犢行牽

載酒瓮到處便傾三百盃或逢濃陰藉草坐口橫玉
笛吹落梅傍人問我樂何事我心無事同嬰孩誰令
束帶入官府觸網脩鱗難再回清明依舊好時節朱
顏憔悴無由陪藏雲之山亦非遠隔江東望青崔嵬

洛中王秀才談劉伯壽動靜慕其瀟灑
作詩識之

客來說劉翁嵩山跨黃犢青衣二雙鬣顏色若明玉
手携綠牙笛隨軒奏新曲倒傾酒榼松下飲旋開羶
帳雲中宿少年富貴老安閑自道此生無不足令人
慕高標神魄頓蕭爽何當插兩翼乘風一飛往永結

斯人交逍遙恣真賞長哦紫霞篇洞戶瓊瑤響胡爲
戀青衫壯節空骯髒塵埃一闕城郭早波瀾萬頃滄
溟廣明朝未作嵩少遊且向江南結魚網

逍遙亭歌一首贈太守王君章

逍遙之亭在何許城角西南小溪許水仙粉面浮清
波羽林兵仗森三畝六月微風拂面寒不信人間有
煩暑借問逍遙真隱徒西山看雪倒騎驢形骸兀兀
天壤俱盡手爭以丹青模大言得罪僅免誅斥叅軍
事來當塗傳云此地舊結廬百年荆棘遺荒墟公來
相址呼犁鋤雉亭化出瑠璃鋪欄干闔角明青朱四

座瑩徹纖埃無蘭芬麝裂陳罌玉珠履珊珊陪後車
東瞻宣詔西浮圖曉光夕景迷蓬壺愛公心畫如明珠
落成之樂政事餘爲公歌勸公醉留連亭上能幾
時行促星軺還玉陛

投獻省主李奉世密學

祖朝相國之真孫軒軒冠蓋宜高門拔身州掾入政
府議論挺特窮根源顏淵必用孔丘鑄自此聲名聞
至尊熙寧神化邁前古屢詔馳車外循撫大河之北
淮之孺民起疵瘵勇歌舞樞庭進直腰橫金君臣道
合同一心貨泉交匯指諸掌老吏縮手隨規箴如公

之才世希有突兀千丈輝喬林徐冠貂蟬坐廊廟重
見成王得周召泰山鏤牒天垂休却笑鴻蒙首頻掉
賤生流落何可言四十栖遲埋冗負涸鱗悵望一盃
水安用西江皓渺之波瀾願公吐和氣稍回巖谷春
養成赤寸木爲公車下輪它年青史上報德豈無人

俞俞堂寄鄂州李裕老

黃鶴樓南大湖側芙蓉蕖深遠誰家宅去是裕老之宴
居高堂獨榜俞俞額春山拖翠入平簷夏竹引涼吹
廣陌秋江澄月天鏡開冬雪擁林崑閬白世間萬事
不掛心瓮撥香醪欣有客客來乎伴我飲不醉無歸

醉還寢問君欲達逍遙鄉信哉天地真衾枕覺來何
物能解醒試作琵琶打面聲俞俞和氣浹四體安用
辟穀求長生君不見鸚鵡洲前殺稱衡三赤椀杖當
雄兵才名誤身不自覺恬淡跡無人爭南北相望
二千里夢逐高帆逆秋水爲翁持酒聽翁歌衣濯黃
塵眼除眯

青山集卷第三

